

近代中國史料叢刊第六十四輯

沈雲龍主編

雪鴻山館紀年

趙守純著

文海出版社
有限公司印行

序

憶自癸丑春金陵不守避地武林踪跡屢遷人事復
易其間饑風滋味映雪光陰調齋知甘食茶思苦兩
喜今集星歎晨零慨難大於人間逐馬牛於風裏海
上溯張騫之空城南動詩史之哀屈指今朝回思昔
夢蓋忽忽十有五年矣每欲閒踪萍迹細繹蕉心惜
乎負米身軀執鞭形瘁攤箋輒忘伸楮莫由慨念勞
勞徒呼負負今讀元牧先生雪鴻山館紀年一編深
喜其言之實獲我心而並覺其事之宛然在目也先

生彩筆竒才長笛後喬家邨茂苑夢續揚州居蓮幕
為黃絹詞人入柳營作青衫揖客弩牙機發眉鼻墨
磨技巧量沙功勞聚米所歷間關烟迥大漠雲荒曉
公青落酒杯春申皎若明鏡固已足以寄吟興振豪
情焉然而說項萬口有托知己依劉半世終悞平生
於是倚馬之才奏解牛之技勵清西冷之水蜚聲
括蒼之山免寬知名咸稱從史陽城撫字並緩催科
無如甘雨方施妖氛旋煽形幻蒼狗劫肆紅羊城郭
人民慨令感於既返桑田滄海問方平於何年斯時

8/1/21 PM

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



也萬貅宵屯匹馬盡敵飛箭集霰羽檄馳星葵綬傾
乎心中柳偏生於時下迨至焦原重陸破冢欣離方
冀合烏氛遙啓鴻疾醒種花萬本拔薤四郊詎意露
布纜馳欽章旋列論之者以為失馬之皆福惜之者
以為退鷁之難追而先生順受不驚出險思痛棄一
官如敝屣念半世為靈舟幸無逐客之名且署寓公
之號因憶葛裘節候萍水生涯行脚四方得二千里
路置身一世閱三十餘年凡夫來來往往之因合成
見見聞聞之局展管城之秘倣說苑之編效記事之

珠為特書之筆四十載窮通利鈍都歸游宦紀聞十
萬年曲折是非續入水天閒話是一編也謂非合譜
系之中規而兼史家之外乘者乎丁卯夏日逆旅會
垣興先生同寓委巷中辱以相知之雅遂索嚙引之
資夫蹄涔之源無以知尺木疏嗅之味不足語太牢
以先生八索呈能十年以長珠若明乎照乘蕤敢擊
乎嚮鐘難敵鼓旗思焚筆硯然既承乎菲采因聊獻
乎菟言所願健弩重張強臺直上聲名傳於循吏勳
業著於旂常班家則能讀父書謝氏則仰述祖德他

日重徵故事見愈新編定必更有可紀者在也上元
梅振宗拜序

自序

余質魯幼不善讀書未識學者之門逕深入愧恨年
十八先君子棄養家徒壁立余上奉老母下撫弱弟
孤苦無以為生不得已廢學業橐筆出遊筭列諸侯
賓客間自顧樗庸奔馳旅食獲免饑寒為幸何敢萌
他望洎成豐初粵匪釀亂遍地兵戈大部以軍實不
充開籌餉例余為友人憇憇始以歷年館穀攝攝入
嘗得知縣需次浙江辛酉秋權遂昌令其時省垣及
丙斤東西拜縣具用繼淪陷大局決裂不能支遂邑

蕞爾山陬無城郭鄰氛環逼援絕兵窮致亦為賊所
竄竊乃於事無可為中倡舉義兵復縣治靖四境拔
松楊屢挫厥鋒賊氣為之沮喪自謂心力已交瘁而
卒以望議免官回思數十年來萍梗飄蓬備嘗甘苦
浮生夢幻世局滄桑每於酒酣燈炮之餘言念前遊
歷歷在目曾幾何時而已為陳迹壯志消磨老冉冉
至矣追昔撫今能無裊觸爰將生平已往之境與夫
有關於時事見聞所及者編年直筆紀之以破旅人岑
寂並自警其不敏焉至于行文之蕪謬敘事之粗疎

余固幼年失學不能從事於文者謏陋之譏所不遑
計時在

同治六年歲次丁卯夏六月震澤趙守純自敘於武
林旅邸

雪鴻山館紀年

吾宗系出宋室後自黃巖公始居江蘇之吳江已
五百年於茲矣清門舊澤代有聞人功業文章彪
炳史乘故歷前明暨乎 國朝世為邑中之望族
曾祖舟帆公諱霽照太學生贈修職郎祖葑亭公
諱基以歲貢生授常州府金匱縣訓導賜贈奉直
大夫父良甫公諱函震邑贈貢生候選訓導晉贈
議大夫

道光八年戊子春正月初六日余生於揚州

時府君客兩淮，齎使鄭夢白都轉，祖琛署禱於觀音山，而生余，小名善生。

道光九年己丑，余二歲在揚州。

秋，府君赴江甯鄉試。

八月十四日，二弟守正生。

道光十年庚寅，余三歲在揚州。

道光十一年辛卯，余四歲在揚州。

夏，府君移家至蘇州，居鷹揚巷。

道光十二年壬辰，余五歲在蘇州。

春三月三十日二弟守正痘殤

弟小名端生少余一歲自幼稟異質敏慧絕人
府君最憐愛之壬辰三月與余同時發痘疹弟
忽患喉閉醫藥罔效數日而殤亡葬于蘇城
王府基府君有詩哭之刻於集中

秋府君赴江寧鄉試

冬十月二十七日三弟守讓生

道光十三年癸巳余六歲在蘇州

春三月移居雍熙寺巷

始識字

道光十四年甲午余七歲在蘇州

春二月移居醋庫巷

受業潘養和先生始讀學庸書

先生名愷蘇州人余於是春從學起至己亥冬止
計受業六年

冬十二月府君應聘赴鎮江入於郡守龔公文煥幕
為之司度支

十六年四弟守恬生

道光十五年乙未余八歲

夏五月隨府君移家至鎮江寓郡署東公廨

秋府君赴江甯鄉試

府君赴於南北闈者十七次自是科見遺遂絕意
於進取焉以府君之宏才碩學傾倒一時而竟困
守青氈明經終老 平生懷抱不獲稍伸知府君
者莫不為之痛惜而深歎造物之忌才太甚也

是年讀論語初學作字

道光十六年丙申余九歲在鎮江

秋府君刊刻所著詩詞集

府君樂潛堂詩二集八卷飛鴻閣琴意二卷選定
已久限於力未能即付梓人至是始刻成之

是年讀孟子詩經

道光十七年丁酉余十歲在鎮江

春龔太守以憂去鎮郡新守高公容聲未仍聘府君
入幕府

是年讀書經禮記

道光十八年戊戌余十一歲在鎮江

夏四月隨侍府君歸無錫始拜見嫡母陳太恭人復隨至吳江謁宗宗祠展祖墓五月旋鎮江

余庶出生長於外是年府君始携余歸見嫡母并至吳江展謁祖先祠墓焉

秋九月隨生母劉太恭人歸甯揚州

是年讀易經春秋左傳

道光十九年己亥余十二歲在鎮江

冬十月隨生母歸甯揚州

十一月府君辭郡幕挈家歸無錫居於東河頭巷

是年讀古大家文學作應制詩

道光二十年庚子余十三歲在無錫

春正月受業秦德興先生初學作時文

先生名熊飛無錫邑庠生余於是春從學起至癸
卯冬止計受業之四年

三月移居後西溪

夏五月生母因喪赴揚州六月歸

冬十月府君應聘赴儀徵入於淮南監掣謝司馬元
淮幕

謝司馬字默卿湖北松滋人府君舊交也時任淮南
監掣同知聞府君賦閒君聘赴掣署為之司驥務
道光二十一年辛丑余十四歲在無錫

秋九月府君自儀徵歸

時暎夷犯順謝司馬奉檄調軍營故府君歸

道光二十二年壬寅余十五歲在無錫

春三月府君遊江甯夏五月歸

秋八月暎夷艇師犯江甯官兵不能戰總督牛鑑遣
使通和議夷人

絕欲去

嘆咭喇逆夷自道光庚子年粵東釁事以來連陷
閩浙沿海郡縣所至蹂躪民不堪擾壬寅夏夷艇
擄入江蘇洋面竄陷上海寶山二城提督陳公化
成力戰死鎮江亦告陷八月夷人艇舟復由鎮江
疾駛二百里直抵江甯省之觀音門其時督帥牛
鑑已自崑山遁退歸伊蘇相里布耆將軍亦相繼
至於省不能戰亟遣使議和夷人要挾百端忽和
忽戰當事者受其顛倒忽詭言架礮鐘山之巔將

攻城官民益懼三節使莫出一籌悉從所請而成
和議宴會夷酋於城外靜海寺夷人大逞所欲而
去海疆之事從此不可復問矣時府君閒居於家
目擊時艱不無感慨爰作十哀詩紀其實焉

九月府君遊甯國冬十一月歸

時石敵甫姑丈同福攝甯國守以書來招府君往
遊故有此行

道光二十三年癸卯余十六歲在無錫

夏六月全家患喉症

是時錫邑喉痧時症流行患之者多不起余全家染此甚危迨幸而相繼獲瘳

冬十一月姊婿丁君幹赴雲南需次奉余母陳太恭人往

丁君字練之無錫人余之二姊蕊仙婿也姊為嫡母陳太恭人出素鍾愛之練之附以縣尉官滇南携姊去萬里關山不忍言別遂奉母氏以往

十二月移於留芳聲巷舊居

道光二十四年甲辰余十七歲在無錫

春二月偕式齋兄請入金匱籍應縣試為人阻撓未赴
履

兄名汝鈺叔父謙甫公子與余同祖兄弟也余家
世為吳江籍嘉慶間祖約亭公官於金匱縣訓導
垂二十年卒於任貧不能歸即家於梁溪業又三
十餘載矣甲辰春錫金試童子余與式叁兄同入
金匱寄籍循例請收試邑令畢公以准之正場榜
發兄取列第一同試諸童以為佔其地步也於初
履點名時嘖有煩言遂不履試而罷

受業鄒子吹先生

先生名律金匱人邑庠生

三月府君應聘赴揚州入於淮北監掣童司馬濂幕
童司馬字石塘浙江紹興人素重府君名未謀面
因介王廉普太守聘延入其幕

夏府君刻續集詩

菊潛庵贖稿二卷皆府君晚年作也童文芝楮孝
廉為之序謝默卿司馬助貲梓成之

秋八月府君自揚州病歸

府君素患痰喘症至是增劇故解館歸

道光二十五年乙巳余十八歲在無錫

春正月受業王相庭先生

先生名筠無錫人廩膳生

三月楷式^選叁兄返於吳江應縣試

時邑令為方公心簡余與式叁兄回籍應試寓於

方塔寺僧寮

夏四月如蘇州應府試五月十一日得府君病革音
星夜馳歸

時郡守為桂公文耀余仍與兄同來蘇假寓石叢
甫姑丈家之五柳園五月十一日桂公招回覆將
進場家書至驚悉府君病垂危余遂不赴試即於
是日買棹歸夜三鼓抵錫山

六月十五日府君良甫公卒於無錫家

府君少稟天才風神秀朗甫八歲即能詩人咸以
神童目之年十四補博士弟子負試輒冠軍文名
大噪而府君遐瞻遠矚亦有俯視一世之概繼而
屢困於場聲鬱鬱不得志橐筆出遊之浙之閩之京

師出居庸觀北海遊踪既廣隨至以詩自娛一時
名公巨卿以及南北知命之士莫不爭慕交折節
傾倒所看詩先為徐廉峰編修選刻同岑集中晚
年府君手自釐定樂潛堂詩二集八卷飛鴻閣琴
意二卷菊潛庵贖稿二卷先後梓刻行於世袍襖
爭鈔以得先睹為快乃著作日益富而窮愁日益
甚青衫潦倒老於諸生卒不獲見用於時一展生
平抱負士林深痛惜之余書至此不禁潸然淚下
府君生於乾隆庚子九月二十日卒年六十有六

身後一編之外無長物余與兩弟又俱在弱齡未
成立喪葬諸務賴叔父謙甫公經紀之並加存卹
焉

七月二十一日葬府君於惠泉山之馬鞍塢

山在無錫西門外五里馬鞍塢山南地名也墓道
乾山巽向兼戌辰三分墳丁周姓

道光二十六年丙午余十九歲在無錫

春校錄府君文集稿

府君所著駢散體文甚多大半隨手棄去不存稿

余於府君書篋中覓得自選山籟華館文稿一本
計四十三篇文又于敗廢紙片中以及散錄於詩
詞草稿內者搜得一百五十餘篇各體俱備如獲
至寶爰即敬謹彙錄一過釐為八卷什襲藏之以
俟他日棉力稍紓寄諸梨棗垂不朽嗣於庚申春
夏間粵賊擾蘇杭余家屢及於難所有盡失惟府
君文稿得保全方深欣幸以為府君之靈有以庇
之也詎至辛酉十一月眷屬避難居於川沙境之
趙家橋賊又至各人倉猝急奔避不及携此稿遂

爾遺失時余官遂昌家人以書來告余為之拍案
驚呼寢食俱廢者累易日為竊余幼年即失學愧
不能承先人之緒業乃並此區々手澤亦不能始
終保守之不肖之罪其曷可辭

刻遺詩

時得府君遺詩百首繕而刻之附於菊潛庵讀稿
後以成全集

夏六月赴於嘉定令丁君國恩幕

丁大令字蘭汀浙江蕭山人時叔父謙甫公在其

幕中司記室命余前往襄理之

道光二十七年丁未余二十歲在嘉定縣幕

春二月式參兄入江邑庠

三月回無錫省母祭掃先府君墓

秋九月釋先府君服

丁大令國恩卸縣事延余至於省寓司書記

冬十月從丁大令因公赴江甯二十八日大令聞訃

丁母憂先同返蘇州

十二月解館歸無錫

道光二十八年戊申余二十一歲在無錫

夏六月丁大令國恩過無錫招同遊蘇州

秋七月叔父謙甫公應聘赴新陽經蘇州命余從之
往

新陽令徐君名敬安字儼之河南祥符人由舉人
選是邑其時初莅任聘延叔父司其書記事

冬十月師於戴子蕃先生君度支

先生名 蘇州人時在徐大令幕司度支以小子
為可造令從學焉

道光二十九年己酉余二十二歲在新陽縣署

夏江南郡縣患水災

是年四五月間雷雨連綿不止江湖並漲海水橫
流大江以南各府州縣地方悉成為澤國水勢浩漫
甚於道光三年遍地哀鴻傷心慘目洵為近今數十
年來未有之奇災也

四月母陳太恭人自雲南歸

時幼婿丁練之交卸雲南鹽井渡大使事將赴浪
穹縣尉任道益遙遠路復崎嶇余母春高不耐此

穿馮山官已年